

յուխտ և երկրպագութիւն անօրինական Ս. Տեղեաց Գրիստոսի և Եւ Գրիգոր Շղթայակիր ուրախութեամբ ձեռնարկեալ նորոգեաց և սալտակացուցեալ ծեփեաց և պայծառացոյց զեկեղեցիւն և զայլ տեղիս : Ընդ որս և զեկեղեցի Ս. Աստուածածնի և մատուռն Ս. Մինասայ . 'ի վանս Ասորւոց շինեաց և ոսկեզօծ փառաւոր խաչկալ Աւագ Խորանի նորին , որպէս երեւի հայկական տառիւք յիշատակարանն դրոշմեալ 'ի ճակատ նորա : Նորոգեաց զվանս Բեթղէհէմի , և զեկեղեցիւն ոսկեզօծ խաչկալիւ , որպէս ցուցանէ արձանագրութիւնն 'ի վերայ նորա . երաց դուռն խանին 'ի կողմանէ վանաց , մաքրեալ և յարդարեալ զայն արար եկեղեցի յանուն ամենասուրբ Երրորդութեան , որ և յետոյ խանգարեցաւ . սալիւ յարդարեաց և զյատակս վանաց , որոց սակս կրեաց վիշտս և տառապանս յայլազդեաց և ծախեաց բազում ինչ :

Իսկ Սեղբոս Ամիրայն , որ յԱրքունի հրովարտակս և 'ի դատաստանական դիրս կոչի Սեղբոս որդի Մինասայ , Պաշպաղիրկեան մեծի Վէզիրին և թարգման Անգղիոյ դեսպանին , այրս այս մեծահաւատ , 'ի սին ժամանակի երեւելի էր 'ի մէջ ազգին 'ի Կոստանդինուպօլիս , և բազմօք ձեռնտու ազգային գործոց . արար զմեծամեծ բարութիւնս ազգասիրական ոգւով , յամենայնի աջակից և օգնական գտաւ երկուց Պատրիարքաց բանիւ և արդեամբք , առաւել և ևս Աթոռոյն երուսաղէմի . մանաւանդ յուխտագնացութեան իւրում . գնեաց 'ի նաւահանգիստն Յոպպէյս իջեւանատեղի (խան) մեծ , հանդերձ մթերանոցովք և տամբք , որ 'ի շրջապատս նորա և զայլ տունս , կըրպակս , մթերանոցս և պարտէզն արտաքոյ քաղաքին , ուր յետոյ ծախիւք Աթոռոյն շինեցաւ մաքրարան քառասնօրեայ զգուշութեան (քարանդինայ) 'ի պէտս ուխտաւորաց , որպէս յայտ առնէ զայսօսիկ հայկական արձանագրութիւնն եղեալ 'ի վերայ կամարի խանին , գրեալ 'ի թուին Հայոց 1100 , թէպէտեւ թուականն բազմօք սխալ , զի 'ի սոյն ժամանակի չեւ և ևս էր ծնեալ Սեղբոս Ամիրա , և օրինօք դատարանի այն ամենայն կտակեալ աղքատաց Ս. Յակոբայ : Եւ յեկեղեցական անօթս ընտիր երեւի յիշատակ նորին , զաւազանն Հայրապետական զարդարեալ